



UNIVERSITÄTS-  
BIBLIOTHEK  
PADERBORN

## **Vitæ Pontificum Romanorum**

Ex Antiquis Monumentis Collectæ

**Sandini, Antonio**

**Bambergæ, 1753**

CVIII. Hadrianus II. Anno Chriſi 867. Ludovici II. 13. Baſilii Macedonis 1.

---

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

*Christi baptizari ex Abtis & Patribus, ut vidimus, palam est. Vide Historiam nostram Apostolicam De Apostolis in uniuersum.*

(6) Actione 1. & 7. apud Harduinum tom. 5. Conc. pag. 757. 763. & 873.

CVIII.

**HADRIANUS II.**

ANNO CHRISTI 867.

LUDOVICI II. 13. BASILI  
MACEDONIS I.

**H**ADRIANUS II. Talari filius, Romanus, Presbyter tituli S. Marci XIX. Kal. Januar. anno 867. Pontificatum, quem semel atque iterum abnuerat, ingenti totius Urbis gaudio suscepit. Decessoris sui Nicolai vestigiis institit studio enixo: ob id *Nicolaitanus* per contempum & dictis & scriptis proditus à quibusdam. Hos cum despiceret, non nihil sermonis subiit, quasi Nicolai acta meditaretur rescindere. Sed huiusmodi blateronum linguas factis retudit. Nam Photium, congregato Romæ Concilio, *tertio anathemate* confixit, & librum ejus in Nicolaum

Bar. an.

867. §.

139. 156.

Pag. §.

26.

Bar. an.

868. §.

3. 38.

Pag. §. 6.

um iussit comburi. Basilium Mace-  
 donem, quod eundem Phorium, re-  
 vocato Ignatio, exturbâisset Sede  
 Constantinopolitanâ, extulit summis  
 laudibus, voluitque ab eo Concili-  
 um indici Constantinopolim com-  
 ponendis rebus Ecclesiæ Orientalis,  
 & Photio in ordinem redigendo.  
 (1) Præcepit etiam Lothario Regi,  
 ut quæ Nicolao promiserat, obedi-  
 enter faceret, & uxorem Teutber-  
 gam reciperet, eique haberet hono-  
 rem regium. Moravis indulgit, ut  
 Sclavonicâ linguâ, quæ erat ipsis ver-  
 nacula, uterentur in Sacro faciendo,  
 & Divinis Officiis celebrandis. (2)  
 Obiit anno 872. Nullus ex antiquis  
 diem ejus mortualem notavit. Si Gui-  
 lielmo Bibliothecario credere liber,  
 annos quinque Pontificatus penes ipsum  
 fuit. (3)

Bar. an.  
 869. §.  
 4. 6.  
 Pag. §. 1.

Bolland.  
 9. Mart.  
 pag. 22.  
 24.  
 Bar. an.  
 872. §. 1.  
 Pag. §. 1.

### ANNOTATIONES.

(1) Hadrianus II. in epistola ad Basilium Concil.  
 Imperatorem, quæ inserta est actioni 1. Oecum.  
 hujus Concilii apud Lab. tom. 8. Conc. VIII.  
 pag. 982. *Volumus ergo per vestra pie-  
 tatis industriam illic (Constantinopoli)  
 numerosum celebrari Concilium.* Paruit  
 Basilium, & Concilium Oecumenicum VIII.  
 Con-

Constantinopolitanum IV. convocavit. Quo convenerint Episcopi, haud satis constat. Actioni primæ præter Legatos Apostolicos Donatum Ostiensem, & Stephanum Nersinum Episcopos, ac Marinum Diaconum præfides Concilii, exceptisque Legatis Patriarcharum Orientalium, & Ignatio Constantinopolitano, duodecim tantum Antistites interfuere. Reliquis Actionibus crevit Episcoporum numerus. Centum enim novemque subscripsere Concilio. Numquam tam exigui causa, quia non admissi Episcopi faventes Photio. Concilium inchoatum anno 869. III. Nonas Octobris, & decem Actionibus absolutum pridie Kal. Mart. anni insequentis. Actione septimâ dictum anathema Photio, ejusque fautoribus, atque *in majorem hominis detestationem*, describit ex Niceta Baronius ad an. 869. §. 39. subscriptum anathemati calamis immo-  
 Etis ipso Christi sanguine. Actione postremâ editi canones septem & viginti ad Fidem, Sacramenta, & Ecclesiæ disciplinam pertinentes, septemque priora Oecumenica Concilia confirmata. Canon quartus dicitur, Photium *nunquam fuisse prius aut nunc esse Episcopum*. Nimirum Photius nunquam Episcopus fuit *quantum ad jurisdictionem, & legitimam Episcopatus potestatis executionem, non verò quoad potestatis collata characterem*, ut docet P. Bonaventura à S. Elia in Synopsi Conciliorum part. 2. pag. 379. Nec obstat, quod Nicolaus epist. 9. ad Michaëlem Imperato-

rem scribit: *Igitur nihil Photius à Gregorio habuit, nihil autem habuit, nihil dedit.* Nam eo loco dicitur Gregorius Syracusanus, qui & Episcopatu, & Fidelium communionem privatus erat, nihil dedisse Photio sacris ab se initiato, & nihil proinde Photius iis, quibus ipse contulerat Ordinis Sacramentum, nihil, inquam, dedisse Ordinationis legitimæ, nihil gratiæ: neuter enim aliquid hujusmodi, utpote sacrilegus & schismaticus, habuit: at characterem Sacramenti habuit uterque, ideoque aliis conferre uterque potuit. Vide Nat. Alexandrum in Hist. Eccl. Sæc. IX. & X. dissertat. 4. §. 22. & annotat. 3. ad Stephanum III.

(1) Id confirmavit Joannes VIII. extremâ epistolâ 247. apud Baronium ad an. 880. §. 19. & apud Labbeum tom. 9. Conc. pag. 177. adjectâ conditione, ut Evangelium linguâ primùm Latinâ *legeretur*, deinde Sclavonicâ *annuntiaretur*. Eandem rem concessit etiam Innocentius IV. ut est apud Raynaldum ad an. 1248. §. 12.

(3) Muratorius Prolegom. in Vitas Rom. Pontificum Anastasio Bibliothecario additas tom. 3. Script. Rer. Italic. pag. 274. *Veterum Romanorum Pontificum vite à variis scriptoribus literis consignata, quæ sub Anastasio Bibliothecarii nomine circumferuntur, in Hadrianum II. & Stephanum VI. seu ut rectius dicendum est*

*est V. desinunt, quorum postrema Guilielmo Bibliothecario tribuuntur.*

CIX.

JOANNES VIII.

ANNO CHRISTI 872.

LUDOVICI II. 18. BASILII MACEDONIS 6.

JOANNES VIII. Gundi filius, Archidiaconus Romana Ecclesia anno 872. XIX, Kal. Januar. in locum

- Bar. an. Hadriani II. substituitur. (1) Hic  
872. §. 1. Carolum Calvum Imperatorem coronavit. Ab eo deinde auxilium  
Pag. §. 1. petiit contra Saracenos populantes  
Bar. an. Italianam agrumque Romanum: &  
875. §. 2. Neapolitanis, Beneventanis, aliisque  
Pag. §. 2. quod pacem istiusmodi prædonibus  
Bar. an. fecissent, denunciavit anathema, nisi  
877. §. 1. contra ipsos arma iterum sumerent.  
7. 26. Verum Imperatore mortuo, & sub-  
Pag. §. 1. fidii spe incisâ, pacem ipse quoque  
ab Saracenis petere, & pensionem annuâ quinque supra viginti millium  
*manucorum* argenti redimere coactus est. Formosum Episcopum  
Portuensem, qui postea Romanus Pontifex